

適園叢書

張宗祥



通國書舍



張氏藏

花村談往卷二

花村看行侍者偶錄

明朝開科

余於積書家見明朝首科試錄冊係洪武四年知貢二人右丞相汪廣洋左丞相胡惟庸主文官二人禮部尙書陶凱侍讀學士潘廷堅考試官四人侍讀詹同司業宋濂吏部員外原本鮑恂第一場先經一四書一共二篇題名四書疑二場論誥詔表各一篇無判三場策一篇四書疑云孟子曰由堯舜至於湯五百有餘歲若禹皋陶則見而知之若湯則聞而知之夫禹皋湯於堯舜之道其所以見知聞知者可得而論與孟子又言伊尹樂堯舜之道中庸言仲尼祖述堯舜夫伊尹之樂仲尼之祖述其與見知聞知者抑有同與請究其說

天下會試舉人共止二百中式者一百二十人狀元吳伯宗
授員外餘二甲及第進士出身俱授主事三甲同進士出身
授縣丞會元俞友仁亦授縣丞朝鮮人金濂三甲第五名授
安江縣縣丞後告歸本國卽拜相此第一科制式也嘗考宋
制科舉內闡士子有疑難事許叩問主考以五代干戈後人
以識字爲罕耳後主司避嫌多自峻不敢啟啟亦不答歐陽
又忠同梅聖俞知貢舉每事復古制策崇舊體因宣諭諸生
坐待啟問至日午猶喋喋不已退食後又有叩簾者問堯舜
二字并董仲舒何代人聽者哄然文忠不動聲色爲之講解
復曰似此尙疑不用可也他日言及憫然憐之其矜惜人才
如此後金人入中國今科科舉罷後卽曉示後科於某經某

史中出題天文地理兵農禮樂皆然中原士子寒窗靜案得以窮究極至不出數科經史政事各得精要元朝初年多出異材金人所以養之者有素也至前明立法主司出題必欲乘人所不知所未習故於經史政事一無考訂一無究驗文則空拳白戰勦襲套話人則庸腐無知蠢然要錢而已

明朝以不肖之心待士子士子惟以爲己之念待朝廷試問未進時有一念不爲身家者乎既進後更有一念肯爲君國者乎報效事明朝獨少求全事明朝獨備如四書五經論表誥判天文地理兵農錢穀往古來今三教九流無一不通方稱入式天下幾見有此全才至末運幾年欲兼騎射而有之天下之應之者一無所能而已矣

功名奇巧

萬歷丙午北場龔爲光幼時夢先有司三句題須串做後童試於院爲舉賢才題憶幼夢於入題處承上二句文宗於此特密圈得入泮後錄科爲赦小過二句竟串做之謂賢才原不能無小過必先赦而後可舉文宗以爲奇領案觀場闌中題先有司三句益憶幼夢入股串做房考韓仲雍擊節加賞首薦中式又丙子科南場七月中文宗徵蘇常二節推較闌錄遺卷一日下午兩推翦紙棊對弈文宗忽於屏後步入急搜一卷掩之笑問曰得佳卷否倉卒答曰正看此卷時取字木印在案曰旣好取之可耳遂手印之卽便出外兩推方取同閱疏弱殊甚曰彼之命也記其破承竣事出署一生送卷

卽其人也爲松江上海之張汝聰二推又同入秋闈期取積
學適看一卷似前倖得遺才之筆氣去之念已二十四分忽
倦甚攜之入袖閒步總考簾外遇前推捧兩卷呈薦聚觀片
刻司門者疑並入竟擊雲板兩下不得不同進彼推兩卷俱
入式問及同進無聊出袖大加讚賞謂必英俊特令加圈點
拆號中出果卽汝聰又一生應試在寓夢祖先告曰封銀五
錢書已之名於貢院前送人可保必中連三夜皆然勉爲之
不意受銀者神樂觀道士喚入貢院以備寫榜踉蹌而趨得
銀視名感爲恩人填榜至末大總裁持四卷在手欲較取一
卷曰微吟曰沈景華道士所得封銀名也心熟手便疾書之
急欲止易已上榜矣遂爲鎖榜舉人又丁卯南場簾考書三

房河南人某誓不閱卷候至二十日問硃卷進完卽焚香叩
天先宣頂上一卷主必中以爲頭卷乃上下顛倒者三取出
第一卷後信手抽五卷前後次第亦隨之皆密加圈點無錫
唐損占士在內五人爲沈胤培等俱中進士惟第一卷爲上

江人已耄矣此損占親口自言者又天水某榜眼也幼不甚

穎年十七搦管不能盈二篇縣錄考題分東西己未日過午
瀋滯枯槁落想爲艱乃向牆角再小遺見有黑綫垂壁拽之
抽不了未得一紙包卽其題之文傳遞人所爲也急騰上卷
取覆試共二十名以覆卷不稱殿之府錄則儘縣案二十名
候考澄江時陽羨李蘭皋癸未科李用楫之父年望四素號通童亦府
取在寓課小題甫脫稿天水適至懷李作而去朗誦記之及

入棘竟是其題不遺一字直書上卷李意天水必爲此事恐
涉雷同月構一義拆卷時天水入而蘭皋不入天水因心感
執贄蘭皋門下戊午年南場入彀矣時方二十二歲向因家
業中微植產計勇於誦讀每見閒談某以舉人知推致厚橐
輒傾耳某以舉人知推幾年居善地行善政播善名輒神往
某以舉人知推截俸行取擢諫垣擢西臺查太倉庫差茶馬
鹽鐵輒自許冀一日焉得其時莅其任樂可知也三科後已
不耐公車之極辛未榜發乞恩就選果次知縣例樂甚遙憶
三年後綰綬琴堂栽花海嶠震旗鼓看排衙平生志願足矣
恨不能縮日就癸酉中秋乃爲虎丘之遊又獨自爲虎丘之
遊一葉孤舟泊於人所不到處十五日爲詞林項水心搖春

上京之日趨之者船以百計優酌以候之贐之者席亦以百計望見顏色寄語長安或驕語鄉曲者人又以百計項以不耐人事挽舟南岸天水隻身既無朋又無酒操手閒行往來於斟酌橋至普福橋獨步徘徊者幾上下項則假寐艙中冷眼覷視疑宦後何獨行疑未達何魁梧遣僕偵之乃知爲老孝廉再遠詳閱非孝廉結局者請其登舟此時仰望水心如天上告以乞恩就職項曰無煩此也卽簡經義十首畀之曰明春大業在是矣甲戌四經題果在其中雋矣卷出項房師生誼先於虎阜訂後廷試對策又蒙崇禎帝特簡爲鼎甲中人俱大違其知推之願於五雲多處猶懊恨之可見讀書士子埋頭刺股與傍花泛酒未必若爲有用若爲無用儻天

水發憤憾五科之不第當中秋賞月時閉門禁足安能身登
帝庭天人策褻然爲天下第二人耶故知落霞孤鶩原非千
秋絕調只少八百里一日之順風耳雷捷薦福安可以成敗
論英雄雖然求苦中之苦方得上之人惜陰繼晷立品成
人之所必道且天之所報視人之所盡不爽秋毫若所見聞
之天湊功名彼自有夙世因緣或前生苦讀終身不得一青
其衿或錦繡盈篇爲盲主抹擲爲勢利擠棄天蓋以儻來榮
貴償其勤苦故甘寂守戒之禪僧恆爲太平宰相有由來也

京師會遇

吳晉叔祁門人又云江右人幼孤貧不認字能腹記萬言一
切錢穀瑣務年二十四爲閩客負荷建扇入都自渡江登陸

日所履之地步有數廿年後猶能歷指壬戌之春爲四公吏
主爨自辛酉十一月至三月米鹽腐菜事零費錢七十千至
分手時倩一人主筆彼自口憶不錯一銖四舉子日夕所誦
前後場及古今文耳聆心解皆成誦盈篇魏璫最喜不識字
而有心計者知其人使主記室轄三殿大工料役支放皆關
自主裁空憶忖記萬千端緒始末井井偶有簡舉追數了徹
絲隙無漏亦刻晷不差另以姓名入仕版加至宮保知係冰
山不欲以眞氏籍染也大工甫成卽逸去爲藥餌客徧走江
湖其貨物多寡視外橐裏便悉中之數目袖底素無簿牒眼
爲筆而帳藏腹也性最戒慎自知福薄故雖大遇而不濫富
卒又能遠害潔身智士也傑士也鼎革後尙走蘇杭崔魏時

炙手可熱事亦絕口不談又上海張電號賓山工草楷以布衣從陸文裕入都夏文愍公

言

見而賞之授以武英殿中書

局儒士屢蒙獎賞卽實授中書進供奉局序班擢太僕寺少卿晉正卿遷司經局正字通政司使歷工部右侍郎禮部左侍郎食二品服俸所著事蹟書太廟金額仁壽殿永福殿二額獻皇帝銘旌獻皇后神主皇天上帝玉冊文表九廟神主牌額御製碑文寶軸平邊告廟文表至書銘書屏與扇軸掛屏春聯等件不悉紀其寵幸特命等事隨駕承天往還日夕謹身路經六千時將及歲護行景仁殿奉慰仁壽宮拜瞻永禧殿賜偕輔臣進香武當賜偕輔臣入苑賞荷並席泛舟賜偕輔臣坐賞鼇山三賜御製衰文四賜御書平安特賜愼勤

忠誠圖記額牌特賜道德經斗母像至上方新茶牽羊酒果
御前尊爵御用服帛與雲鶴麒麟飛魚繡補等件無算又特
賜銀瓢繡袋祭品醕醢閣臣經筵勞臣所不易得者又輟箸
賜饌者五銀如意金丹生脈散香薷飲者四內帑金銀十兩
至五十兩幣帛自一表裏至四表裏者三十有七例賜歷扇
外面賜手賜者各六錢鈔以百貫計者三十有三若筆墨肴
核鮮果時烹以日賜以時賜者又不計寶訓日錄告成賜宴
謹身殿尤二祖列宗來之曠典內殿竣工蔭一子考成又蔭
一子一孫給三代誥命賜恩前母偶疾賜藥特遣太醫日數
次問諭內閣上寢食狀母卒賜祭葬馳驛守制服闋召用後
卒贈禮部尙書蔭子祭葬一品禮此布衣之極榮矣初入中

書局未甚寵幸時嘉靖帝曾賜一札與文愍公偶醉後漫評
數字於札尾數日後內復索此札夏驚懼召電曰此事煩爲
擔認慨承之跪跪御前請死上熟視良久曰此夏言筆也電
伏地不敢言卽叱出後西市之緣根實種此電非有意擠之
也張在雲閒日寒蹇殊甚備書於沈水南書館得俸不滿六
金以糊家口一日水南率及門五六與張出西關亭橋有星
相僧迎顧時徐文貞公階年方十六拱手尊之曰宰輔大器
也眾失笑又拱手於張曰此位遭遇特隆品亦不下一二級
眾益以爲妄指水南曰多寒氣非科甲中人然官亦登大夫
眾又怫然外王白谷顧豫齋王左山歷指皆兩司張白灘非
科卽道眾復大噓以爲同學數人豈能盡入朝班且賞賓山

爲大貴貴從何來不再詢去之後水南年老出貢賴及門多
顯爵扶掖至郡丞晉階中順大夫餘皆如其言亦神相矣

兩元書院

杭州孫兩峰先生大銀臺致政歸里素恃先達傲睨後輩然
鑒識時流或爲大器或爲小就或朝鮮而夕媽縷縷指也家
延二師講貫爲紹興之李旻句讀爲餘姚之王華卽新建伯
文成公之尊人年將登四貌拙氣鈍小試多不利兩峰每狎
侮之呼爲落魄老儒王亦不較成化庚子之春節歸就試候
案一月名復不錄兩峰不悅其久荒童課也初到之席演蘇
秦劇本謂之王愠不形色館政之外自理正業循常格而已
中元錄遺幸耐觀場更幸復領鄉薦兩峰仍演蘇秦劇本賈

之謂其掛名浙榜便可稱掛印榮歸之蔗境杯箸票簽金書
桂折驚落魄鵬搏望老儒王亦無喜無怒舉杯飲醴舉筋食
饌而已李以同館情深把臂噫吁雪涕而別明春辛丑王以
狀元及第報矣兩峰舌愕始悔從前畢竟非月旦眞主束幣
附其家訊中不報再端佯抵京師止獲一單名柬乃遣子入
都申賀惻王以故人相待情誼淳篤及歸書金箋贈之曰好
去殷勤謝爾親莫教童子誚蘇秦丹庭獨對天人策便是當
年落魄生兩峰見之大慚嗣後語言晉接之間厚奉李師李
亦於三年中咿哦徹晝夜癸卯春掀髯自命必期繼王公去
八月果雋於鄉謁兩峰索演蘇秦扮兄嫂與乃母之奚童遞
罰大觥醉極幾不任衣冠李亦呼酒大樂明春甲辰亦狀元